

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelungen Liet

Müller, Christoph Heinrich

Berlin, 1782

Wie si ze Wormz chomen

[urn:nbn:de:bsz:31-161443](https://nbn-resolving.org/urn:nbn:de:bsz:31-161443)

- 133 Gote man do ze eren eine messe fanch.
Do huop sic von den liuten vil michel gedranch.
- 35 Do si ze ritter worden nach ritterlicher e.
Mit also grozen eren daz wätlich nimmer mere erge.
Si liefen da si funden gefärelt manich march.
In houe figemundes der buhurt was so starch.
Daz man erdiezen horte palas und sal.
- 40 Die hoh gemuoten degne die heten grozlichen schal.
Von wifên und von tumben man horte manigen
stoz.
Da der scheffe brechen gein der höhe doz.
Trunzune sach man vliegen für den palas dan.
Von maniges rechen hende daz wart mit flize getan.
- 45 Der wirt der bat ez lazen do zoch man diu march.
Man sach ouch da zerbrochen vil manigen buckel
starch.
Vil der edelen steine gevellet uf daz graf.
Abe liechten schildes spangen von hurte daz ge-
schehen was.
Do giengens wirtes geste da man in firzen riet
- 50 Vil der edeln spise sit von ir müde schier.
Vnde win der aller beste dés man in vil getruoch.
Den vrenden und den kunden ter man eren da ge-
nuock.
Swie vil si kurzwile pflagen al den tach.
Vil der varnden diete ruowe sich bewach.

- 155 Si dienden nach der gabe die man da riche vant.
Dez wart mit lobe gecieret allez figmundes lant.
Der herre der liez lihen sifrit den iungen man.
Lant unde burge als er hete e getan.
Sinen swert genozen den gap do vil sin hant.
- 60 Do liebte io diu reise daz si chomen in daz lant.
Diu hoheit werte untz an den sibenden tach.
Sigliant diu riche nach alten siten pflach.
Durch ir Sunes liebe si teilte rotes gold.
Si chunde ez wol gedienen daz im die Lure waren
holt.
- 165 Vil lucel man der varnden armen da vant.
Rof unde cleider daz stoup in von der hant.
Same si ze lebne heten niht mere wan einen tac.
Ich wene nie ingefinde grozer milte ie gepflac.
Mit lobelichen eren schier sich diu hoheit.
- 170 Von den richen herren horte man wol sit.
Daz si den iungen wolden zeime herren han.
Des gerte niht sifrit der vil wältlicher man.
Sit daz noch beide lebten figmunt unde sigelint.
Niht wolde tragen krone ir beider liebez kint.
- 175 Doch wolder wesen herre für allen den gewalt.
Des in dem landen vorhte der degen chuone vnd balt.

WIE SI ZE WORMZ CHOMEN.

- 177 **D**en herren muoten selten deheiniu herzeleit.
Er horte sagen mere wie ein schönü meit.
Were in burgonden zewunsche wol getan.
- 80 Von der er sit vil fröden vnd arebeit gewan.
Diu ir unmazen schöne was vil witen kunt.
Vnd ir hoh gemuote zuo derselben stunt
An der iunchfrouwen so manich helt ervant.
Ez ladete vil der geste in gunthers lant.
- 85 Swaz man der werbenden nach ir minne je gefach.
Chriemhilt in ir sinne ir selber je verjach.
Daz si deheinen wolde ze truotenne han.
Er was ir vil vrende dem si wart sider undertan.
Do dacht ouf hoke minne daz siglinde kint.

- 190 Ez was ir aller werben wider in ein wint.
Er mohte wol verdienen schöner frouwen lip.
Sit wart diu edel chriemhilt des chuonen sifrides wip.
Im rieten sine mage und ander sine man.
Sit er ouf stete minne tragen wolde wan.
- 95 Daz eine danne wurbe diu im mohte zemen.
Do sprach der edel sifrit so wil ich chriemhilden
nemen.
Die schönen iungfrouwen von burgonden lant.
Durch ir unma:lich schöne daz ist mir wol bekant.
Nie keiser wart so riche der wolde haben wip.
- 200 Im zeme wol ze minne der richen kuniginne lip.
Distu selben märe gehorte figmunt.

- 202 Ez reiten sine lute da von wart im kunt.
Der wille fines Kindes ez was im harte leit.
Daz er werben wolde die vil herliche meit.
- 5 Ez gefriesch ouch siglint des edeln kuniges wip.
Si hete groze forge umb ir Kindes lip.
Wan si wol erkande gunthern und sine man.
Den gewerb man fere dem degne leiden began.
Do sprach der kune sifrit vil lieber vater min.
- 10 Ane edeler frouwen minne wold ich immer sin.
Ich en wurbe dar min herze groze liebe hat.
Swaz jemen rede kunde des was de heinr slahte rat.
Vnde wil du niht erwinden sprach der kunich do.
So bin ich dins willen werlichen vro.
- 15 Und wil dirz helfen zenden so ich allerbeste kan.
Doch hat der kunich gunther vil manigen hochver-
tegen man.
Obe ez ander nieman were wan hagene der degen.
Der kan mit übermuote wol hochverte pflegen.
Daz ich des fere furchte ez mug uns werden leit.
- 20 Ob wir werben wellen die herlichen meit.
Waz mag uns gewerren sprach do sifrit.
Swaz ich frunthliche niht ab in erbit.
Daz mach sus erwerben mit ellen da min hant.
Ich trouwe im erdwingen beidiu lute unte lant.
- 25 Do sprach der Furste Sigmund din rede ist mir leit.
Wen wurden disiu märe ze rine geseit.
Dun dörstest nimmer geriten in gunthers lant.
Gunther unde gernot die sint mir lange bechant.
Mit gewalte nieman erwerben mach die maget.
- 30 So sprach der Kunich Sigmunt daz ist mir wol ge-
saget.
Wil aber du mit rechen riten in daz lant.
Obe wir iht haben frunde die werden schiere besant.
Des ist mir niht zemuote sprach aber sifrit.
Daz mir sulen ze rine reken volgen mit.
- 35 Durch deheine hervart daz wäre mir vil leit.
Damit ich folde ertwingen die vil herlichen meit.
Si mach wol sus erwerben da min eins hant.
Ich wil selbe zwelfier in gunthers lant.
Dar sult ir mir helfen vater Sigmunt.
- 40 Do gap man finen degnen ze chleiden gra und bunt.
Do vernam ouch disiu mere sin muoter siglint.
Si begunde trouren umb ir liebez kint.
- 243 Daz vorchte si verliesen von gunthers man.
Dit edel kuniginne vil fere weinen began.
- 45 Sifrit der herre gie da er si sach.
Wider sine muoter er guotlichen sprach.
Frouwe ir solt niht weinen durch den willen min.
Ia wil ich ane forge vor allen vienden sin.
Unde helfet mir der reise in burgonden lant.
- 50 Daz ich und mine rechen haben solch gewant.
Daz also stolze rechen mit eren mugen tragen.
Des wil ich ir genade mit truoven wärlichen sagen.
Sit du niht wil erwinden sprach frou siglint.
So hilf ich dir der reise min eingez kint.
- 55 Mit der besten wete die riter ie getruoch.
Dir und dinen gesellen ir sult ir furen genuoch.
Do neich der kuniginne sifrit der iunge man.
Er sprach ich wil ze der verte niemen mere han.
Ni wan zwelef reken den sol man brülen wat.
- 60 Ich wil daz gerne sehen wie ez umbe Chriemhilde
stat.
Do sazen schöne frouwen naht unde tac.
Daz luzel ir deheiniu ruowe gepflac.
Unze man geworhte die sifrides wat.
Er wolde finer reise haben deheiner slahte rat.
- 65 Sin vater hiez im zieren sin riterlich gewant.
Damit er wolde rumen daz signundes lant.
Vnd irvit lihten brunie die wurden uoch bereit.
Vn ir veste helmen ir schilde schöne unde breit.
Do nahte in ir reise zuo den burgonden dan.
- 70 Vmb si begunde forgen wip unde man.
Ob si immer komen folden hein wider in ir lant
Die helde in hiezen foumen beide wafen unde ge-
want.
Ir ros diu waren schöne ir gereite goldes rot.
Lebte iemen übermüter des enwas niht not.
- 75 Danne wäre sifrit und die sine man.
Vrloubes er do gerte zuo den burgonden dan.
In weinten trurechliche der kunich und sin
wip.
Er troste minnechliche do ir beider lip.
Er sprach ir sult niht weinen durch den willen min.
- 80 Immer ane forge sult ir mins libes sin.
Ez was leit den rechen ez weinet ouch manech meit.
Ich wene in hete ir herze rehte das geseit.

- 283 Da von daz in so vil der friunde davon gelege tot.
Von sulden si do chlageten des gie in wärlichen not.
- 35 An dem sibenden morgen ze wormz uof den sint.
Riten die vil chuonen allez ir gewant.
Was von rotome golde ir gercite wol getan.
Ir ros in giengen ebne des chuonen sifrides man.
Ir schilde waren niwe licht und breit.
- 90 Unde vil schöne ir helmen do ze hove reit.
Sifrit der vil chaone in gunthers lant.
Man gesach an helden nie so herlich gewant.
Diu ort der swerte giengen nider uof die sporn.
Ez fuorten scharpe gern die riter uz erkorn.
- 95 Sifrit der fuorte ir einen wol zweier spannen breit.
Der ze sinen ecken vil harte vreislichen sreit.
Die goltvarben zoume fuorten si an der hant.
Sidiniu verbüge sus chomens in daz lant.
Daz volch si allenthalben kaphen an began.
- 300 Do liefen in enkegene vil der gunthers man.
Die hoch gemuoten rechen riter unde chnecht.
Die giengen zu den herreu daz was michel reht.
Vnde enphiengen die geste die in ir herren lant.
Und namen in die möre mit den schilden von der hant.
- 5 Diu ros si wolden dannen ziehen an gemach.
Sifrit der vil chuone wie snelle er do sprach.
Lat uns sten die möre mir unde minen man.
Wir wellen schiere hinnes des ich guoten willen han.
Swem sin kunt diu mere der sol mich niht verdagen.
- 10 Wa ich den kunich vinde daz sol man mir sagen.
Gunthern den vil ricken uoz burgunden lant.
Do sagte ez ime einer dem ez rehte was bechant.
Welt ir den kunich vinden daz mach vil wol gesehen.
In ienen salen witen han ich in gesehen.
- 15 Bi den sinen helden da sult ir hine gan.
Da muget ir bi ira vinden manigen herlichen man.
Nu waren deme kunige diu mere geseit.
Daz da komen wären ritter wol gemeit.
Die fuorten riche brunne und erlich gewant.
- 20 Si erkande nieman in der burgunder lant.
Den kunich nam des wunder von wannen chömen dar.
Die herlichen rechen in wäte licht gevar.
Vnd mit so guoten silden niu unde breit.
Daz im das sagte nieman das was gunthere leit.
- 325 Des antwurte dem kunige von mecen ortwin.
Rich unde kuone mohte er vil wol sin.
Sit wir ir niht erchennen so sult ir heizzen gan.
Nach minem Oheim hagnen den sult ir si sehen lan.
Dem sint kunt diu riche und elliu vrendiu lant.
- 30 Sin im die herren kunde daz tuo er unf bechant.
Der kunich bat in bringen und die sine man.
Man sach in herliche mit reken hinze houe gan.
Waz sin der kunich wolde des fragte hagne.
Ez sint in mime huose unchunde degne.
- 35 Die niemen hie bekennet habet ir hie gesehn.
Des sult du mir hagne hie der warheit verichen.
Daz tuon ich sprach hagne zuo einem venster er do gie.
Sin ougen er da wenchin zuo den gesten lie.
Wol behagte im ir geverte und ouch ir gewant.
- 40 Si waren im vil vremde in der burgunden lant.
Er sprach von wannen komen die reken an den rin.
Ez mohten fursten selbe oder fursten boten sin.
Ir ros diu sint schöne ir chleider harte guot.
Von swannen si choment si sint helde hoch gemuot.
- 45 Also sprach do hagne ich wil des wol verichen.
Swie ich niemere sifriden habe gesehen.
So wil ich wol gelouben swie ez darumbe stat.
Daz ez si der reke der dort so herlichen gat.
Er bringet niwü mere her in dizze lant.
- 50 Die kuonen Niblunge fluoch des heldes hant.
Silbunch un niblunge des richen kuniges kint.
Er frumte starkiu wunder mit siner krefte sint.
Da der helt aleine an alle helfe reit.
Er vant vor einem perge als mir ist geseit.
- 55 Bi niblunge horde vil manegen chüne man.
Die waren im ee vil vromde untz er is chunde da gewan.
Der hort niblunge der was gar getragen.
Voz eime holn berge un horet wunder sagen.
Wie in wolden teilen der niblunge man.
- 60 Daz sach der degne sifrit den helt ef wundern began.
Er chom zuo zim so nahen das er die helde sach.
Vnd ouch in die degne ir einr darunder sprach.
Hie chumet der starke sifrit der helt von niderlant.
Vil seltsamiu märe er an den niblungen vant.
- 65 Den reken wol enphiengen Schilbunch und niblunch.
Mit gemeinen rate die edelen fursten iunch.
Den

- 367 Den schaz in haten teiln den wätlichen man.
Vnde gerten des mit flize der herre loben inz began
Er sach so vil gesteines so wir horen sagen.
- 70 Hundert ganze wagene ez heten niht getragen.
Noch me des roten goldes von niblunge lant.
Daz solt in allez teilen des kuonen sifrides hant,
Do gaben si im ze miete daz niblunges swert.
Si waren mit dem dienste vil ubele gewert.
- 75 Den in da leisten folde sifrit der helt guot.
Er enkundez niht verenden si waren zornich genuot.
Si heten da ir friunde zwelf kuoner man.
Daz starke risen warn waz chundez si ueruan.
Die fluoch si mit zorne diu sifrides hant.
- 80 Vnd reken siben hunderttwang er von niblunge lant.
Mit dem guoten swerte daz hiez balmunch.
Durch die starken vorhte vil manich reche iunch.
Die si ze dem swerte heten und an den kuonen man.
Daz lant zuo den burgen si im taten undertan.
- 85 Darzuo diu richen kunige die slug er beide tot.
Er chom von albriche sit in groze not.
Der wande sine herren rechen da zehant.
Vnz er die grozen sterke sid ab sifride vant.
Den chund im niht gestriten daz starke getwerch.
- 90 Alsam die lewen wilde si liefen an den perch.
Da er die tarnchappe sit albriche an gewan.
Do was des hordes herre sifrit der vreifliche man.
Die da torften vechten die lagen alle erslagen.
Den satz den hiez er balde fuoren unde tragen.
- 95 Da in da vor namen die niblunges man.
Albrich der vil starke do die kameren gewan.
Er muof in sweren eidez er diente im so sin chneht.
Allerhande dinge was er im gerecht.
So sprach von tronie hagne daz hat er getan.
- 400 Also grozer krefte nie mer reke gawan.
Noch weiz ich an ime mere daz mir ist bechant.
Einen lintrachen fluoch des heldes hant.
Er badete sich in dem bluote sin huot wart hurnin.
Des snider in chain wafen daz ist dich worden schin.
- 5 Wir sulen den iungen herren enphahen dester baz.
Daz wir iht verdienen des snellen rechen baz.
Sin lip der ist so schone man sol in holden han.
Er hat mit siner krefte so manigiu wunder getan.
Do sprach der kunige des landes nu si uns wille
chomen.
- 410 Er ist edel unde kuone daz han ich wol vernomen.
Des sol er geniezen in der burgonden lant.
Do gie der herre gunther da er sifriden vant.
Der wirt und sine geste enpfingen so den gast.
Daz in an ir zuhten vil luzel ie gebraft.
- 15 Des begunde in nigen der wetliche man.
Daz si im heten gruozen so rehte schone getan,
Mich wundert diser mare sprach der kunich zehant.
Von warnen ir edel sifrit sit chomen in dize lant.
Oder waz ir wellet werben ze wormz an den rin.
- 20 Do sprach der gast ze dem kunige daz sol iu unver-
daget sin
Mir wart gesaget mere in mines vater lant.
Daz hie bi iu weren daz hete ich gerne bechant.
Die kuonsten reken des han ich vil vernomen.
Die ie kunich gewunne darumbe bin ich herbe-
chomen.
- 25 Ouh hore iuch selben der degen heite iehen.
Daz man kunich deheinen chuoner habe gesehen.
Des redent vil die lute uber elliu disiu lant.
Nune wil ich niht erwinden untz ez mir werde be-
chant.
Ich bin ouch ein reche unde folde krone tragen.
- 30 Ich wil daz gerne fuge daz si von mir sagen.
Daz ich habe von rehte beidiu lute und lant
Darumbe sol min ere und ouch min houber wesen
phant.
Nu ir sit so kuone als mir ist geseit.
Nime ruoche ich ist ez ieman liep oper leit.
- 35 Ich wil an iu ertwingen swaz ir muget han.
Lant unde burge daz sol mir werden undertan.
Den kunich hete wunder und sine man alsam.
Vmbe solhiu mare als er hie vernam.
Daz er des hete willen er name im sinit lant.
- 40 Daz horten sine degne do wart in zornen bechant.
Wie het ich daz verdienet sprach gunther der degen.
Des min vater lange mit eren hat gepflegen.
Daz wir daz solden verliesen von iemans uberchraft.
Wir liezen ubel schinen daz wir ouch pflegen riter-
schaft.
- 45 Ich ne wils niht erwinden sprach der kuone man.
Ez en mugen von dinen ellen din lant den fride
han.
Ich wils alles walten und ouch diu erbe min.

Er.

- 448 Erwirbest das mit sterche diu fulen dir undertanech
fin.
Din erbe und ouch das mine fulen geliche ligen.
- 50 Sweder unfer einer an dem anderen mach gesigen.
Dem sol ez allez dienen die lute und ouch diu lant,
Daz wider redet hagne da unde gernot sazehant.
Wir han des niht gedingen sprach do gernot.
Daz wir iht lande erwingen daz iemen darumbe
tot.
- 55 Gelige vor heldes handen wir haben richiu lant.
Diu dienen uns zerehte ze niemen sint si baz be-
wart.
Mit grimmege muote stuonden da die friunde sin.
Do was ouch darunder von mecen ortwin.
Der sprach disiu suone ist mir harte leit.
- 60 In hat der starke sifrit unverdient widerleit.
Ob ir und iwer bruoder hetet niht die wer.
Vnd ob er danne hete ein ganzes kuniges her.
Ich truote wol erfriten daz der kuone man.
Dise starke vbermuote von waren schulden muose
lan.
- 65 Daz zurnde harte sere der helt von niderlant.
Er sprach sich sol vermezen niht wider mich din
hant.
Ich bin ein chunich riche so bistu kuniges man.
San durften mich din zwelve mit srite nimer bestan.
Nach swerten rief do sere von mezen ortwin.
- 70 Er mohte hagnen swester sun von tronie vil wol
fin.
Daz der so lange dagte daz was dem kunige leit.
Do understuont ez gernot ein riter chuone unde
gemeit.
Er sprach zuo ortwine lat iwer zurnen stan.
Vus hat der herre sifrit solches niht getan.
- 75 Wir mugenz noch wol scheiden mit zuhten deff
min rat.
Vnd haben in ze friunde daz uns noch lobelicher
stat.
Do sprach der starke hagne uns mac wol wesen leit.
Allen dinen degnen daz er je gereit.
Durch striten her ze Rine er foldez haben lan.
- 80 Im heten mine herren folher leide niht getan.
Des antwurte sifrit der kreftige man.
Muot iuch das her hagne daz ich gesprochen han.
- 483 So sol ich lazen chiesen daz die hende min.
Wellent vil gewaltich hieze den burgonden sin.
85 Daz sol ich eine wenden sprach aber gernot
Allen sinen degnen reden verbot.
Iht mit abermuote des im were leit.
Do gedachte ouch sifrit an die vil herlichen meit.
Wie zome uns mit iu striten sprach aber gernot.
- 90 Swaz helde nu darunder muozen ligen tot.
Wir hetens luzel eren und ir vil chleinen frum.
Des antwart ime do sifrit des kuniges sigemundes
sun.
Warumbe bitet hagne und ouch ortwin.
Daz er niht gahet striten mit den friunden sin.
- 95 Der er hie so manegen ze den burgonden hat.
Si muozen rede vermiden daz was gernotes rat.
Ir sult uns wesen willchomen so sprach daz uoten
kint.
Mit iwern her gefellen die mit iu komen sint.
Wir fulen iuch gerne dienen ich unde die mage min.
- 500 Do hiez man den gesten senchen den gunthers win
Do sprach der wirt des landes allez daz wir han.
Geruochet irs nach ern dez si iu undertan.
Vnd si mit iu geteilet lip unde guot.
Do wart der herre sifrit ein luzel sanfter gemuot.
- 5 Do hiez man in behalten allez ir gewant.
Die besten herberge man suochte die man vant.
Sifrides knechten man schuof in guot gemach.
Den gast man sit vil gerne ze den burgonden sach.
Man bot im michel eren danach ze manigen tagen.
- 10 Tufend stunden mere danne ich iu kan gesagen.
Daz hete versolt sin ellen ir sult gelouben daz.
In sach vil luzel ieman der im were gehaz.
Sich flizen churzewile die kunige und ouch ir man.
So was er je der beste swef man da began.
- 15 Desen chunde im gevolgen nieman so michel was
sin kraft.
So si den stein wurfen oder schuzen den schaft.
Swa si biden frouwen durch ir hoflicheit.
Kurzwile phlagen die riter vilgemeit.
Da sach man ie vil gerne den helt von niderlant.
- 20 Er hete ouf hohe minne sine sinne gewant.
Swes man ie begunde des was sin lip bereit.
Er truoch in sine sinne ein minnechliche meit.
Vnd ouch in ein diu frouwe die er noch nie gesach
Diu im in heimliche vil dika guotlichen sprach.

- 525 Swenne ouf demie houe wolden spilen da diu kint.
Riter unde knechte daz sach vil diche sint.
Chriemhilt durch die venster diu kuniginne her,
De heiner churzwile bedorfte si in den citen mer.
Wester daz sin in sehe die er in herzen truoch.
30 Da het er kurzwile immer von genuoch.
Schen si finit ougen ich wil wol wizen daz.
Daz im in dirre welde nimmer kunde werden baz.
Swenner bi den helden ouf dem houe stuont.
Allo noch die lute durch kurzewile tuont.
35 So stuont so minnechliche daz siglinde kint.
Daz in von herzliche truote manich vrowe sint.
Er gedaht ouch manige zite wie sol daz geschehen.

- 538 Daz ich die maget edele mit ougen muge sehen.
Die ich von herzen minne unde lange haq getan.
40 Div ist mir noch vil fremde des muoz ich truorich
gestan.
So ie die kunige riche riten in ir lant.
So muosen ouch die rechen mit in alzehant.
Damite muost ouch sifrit daz was den frouwen leit.
Er leid ouch von ir minne dike michel arbeit.
45 Sus wond er bi den herren daz ist alvar,
In gunthers lande vollechlich ein iar.
Daz er die minnechlichen die cit nie gefach.
Davon im sit vil liebe und leide gefach.

WIE ER MIT DEN SAHSEN STREIT.

- 549 **N**u nahet fremdit mere in gunthers lant.
550 Von boten die in verre wurden dar gefant.
Von unkunden rechen die in truogen haz.
Do si die rede vernamen leit was in werlich daz.
Die wil ich in nennen ez was liudger.
Vzer sahsen lande ein richer furte her.
55 Vnd ouch von tenemarche der kunich liudgast.
Die brahten in ir reise vil manigen herlichen gast.
Ir boten komen warn in gunthers lant.
Die sine viende dar here gefant.
Do vragte man der mare die unchunden man.
60 Man hiez die boten balde ze houe fur den kunich
gan.
Der kunich si gruozte schone er sprach sit wille cho-
men.
Wer iuch her habe gesentet des han ich niht ver-
nomen.
Daz sult ir lazen horen sprach der kunich guot.
Do vorhten si vil sere den grimmen gunthers muot.
65 Wel ir kunich erlauben daz wir in mare sagen.
Diu wir in da bringen so sulen wir niht verdagen.
Wir nennen in die herren die uns here habent ge-
fant
Lidgast und liudger die wellent iuch suochen in z
lant.
Ir habet ir zorn verdient ia horten wir wol daz.

- 570 Daz in die herren beide tragent grozen haz.
Si wellent herverten ze worms an den rin.
In hilfer vil der degne des sult ir gewarnet sin.
Inre zwelf wochen diu reise muoz geschen.
Habet ir iht guoter friunde daz lazet balde sehen.
75 Die in Friden helfen die burge und iuriu lant.
Hie wird von in verhouwen vil manich helme und
rant.
Oder welt ir mit in dingen daz enbieter in dar.
Son ritent in so nahen niht die manigen schar.
Der iwer starken viende ouf herzerliehiu leit.
80 Davon verderben muozen vil guote ritter gemeit.
Nu beitet einiu wile ich chuudiu minen muot.
Vnz ich mich baz versinne sprach der kunich guot.
Han ich guoter iemen die sol ich niht verdagen.
Disu starchen mere sol ich minen friunden clagen.
85 Gunthere dem richem leide wart genuoch.
Die rede er tougenliche in sine herze truoch.
Er hiez gewinnen hagnen und ander sine man.
Vnd bat ouch harte balde zehoue nach gernoten gan.
Do chomen dar die besten swaz man der da vant.
90 Er sprach man wil uns suochen her in unser lant.
Mit starchen herverten daz lat in wesen leit.
Des antwurte gernot ein riter chuone unde gemeit.
Daz wer oc wir mit swerten so sprach gernot.
Da sterbent wan die veigen die lazen ligen tot.